



ID: 3852

O Xurado Provincial de Clasificación de Montes veciñais de Pontevedra, dictou a seguinte **RESOLUCIÓN**:

ASISTENTES

PRESIDENTE

D. Gonzalo Constenla Bergueiro
(Delegado Provincial da Consellería do Medio Rural)

VOCALIS

D. Víctor Abelleira Argibay
(Avogado polo Colexio da provincia)
Dna. M^a Jesús Novoa Suárez
(Letrado da Asesoría Xurídica da Xunta)
D. Jesús de la Fuente Villar
(Xefe do Servizo de M.I.F.)

**VOCALIS REPRESENTANTES DO
LUGAR DE XUBIN, CONCELLO DE
SILLEDA**

D. Luis Taboada Capón
D. Manuel Fontán Troitiño

SECRETARIO

D. José M^a Muiños Mayoral

Na cidade de Pontevedra, sendo as dezasete horas do día dezoito de outubro do 2007, coa asistencia das persoas ó marxe reseñadas, reúnese na 4^a planta do edificio sito no nº 47 da rúa Benito Corbal o Xurado Provincial de Clasificación de Montes Veciñais en Man Común ó obxecto de decidir sobre a clasificación do monte "Chamor" do lugar de Xubín, do concello de Silleda.

ANTECEDENTES DE FEITO

PRIMEIRO.- Con data de entrada 28/12/05, D. Luis Taboada Capón, na súa condición de veciño do lugar de Xubín, do concello de Silleda, e en representación do mesmo, presenta solicitude de iniciación de expediente de clasificación do monte "Chamor" como veciñal en man común para os veciños do lugar de Xubín, acompañando informe técnico e pericial, describindo o monte, identificación, superficie, ocupacións e lindeiros.

SEGUNDO.- Subsanadas determinadas eivas e fallas advertidas pola Administración, o Xurado Provincial de Montes en Man Común acordou, na súa sesión de 26/10/06, incoar o correspondente expediente de clasificación do monte "Chamor" a favor dos veciños do lugar de Xubín, do concello de Silleda.



TERCEIRO.- O rexistrador da propiedade de Lalín, certifica con data 12/04/07, que o monte solicitado non aparecen inscrito a nome de persoa algunha.

CUARTO.- Á vista da documentación aportada polo solicitante e o informe do Servizo de M.I.F. o monte obxecto do presente expediente, obedece á seguinte descripción:

CONCELLO: SILLEDA

PARROQUIA: CORTEGADA

LUGAR: XUBIN

NOME DO MONTE: "Chamor"

Superficie: 68,5 Has. (superficie alegada na solicitude)

Lindes:

Norte: Predios particulares de M^a Pepa García Valiñas, Marcelina García López, José B. Núñez Sánchez, Inés Sánchez González, Venerando Gómez Gómez, Virginio González González, Failde Platas Ramos, Marcelino Taboada Sánchez, Feliciano Otero García, Manuela Canabal Curras, Nieves Lázara, Deolinda Ramos, M^a Pepa González e Manuel Liñares

Sur: Predios particulares de Manuel Marcos, Manuel González García, José Sánchez, Antonio Nogueira, Antonio Cela, Anibal González, Adela Fernández, José Sante Lamazares, Roberto Lázara e Antonio Taboada

Leste: Predios particulares de José A. Cejo Pereira

Oeste: Predios particulares de Ramón Ferreiro Castiñeira, Juan Otero Ocampo, José Villaverde, Alfredo Taboada, Jesús Taboada Leira, Manuel Alvarez Saa, Jesús Fontao Cabado, Manuel Otero Valiñas, Alfredo Luaces Segade, Manuel Mosquera Fontao, Manuel Fernández Otero, Purificación Villaverde e Lois Galego

QUINTO.- Realizadas as comunicacións do artigo 23 do Decreto 260/1992, do 4 de setembro, e aberto periodo de audiencia, non se presentan alegacións

FUNDAMENTOS DE DEREITO

Primeiro: O Xurado Provincial de Clasificación de Montes Veciñais en Man Común ten a competencia para coñecer os expedientes de clasificación dos montes que teñan tal carácter a tenor do establecido no artigo 9 da Lei 13/1989, do 10 de outubro, de montes veciñais en man común.

Segundo.- De conformidade co artigo 1 da Lei 13/1989 do 10 de outubro, de montes veciñais en man común, e no artigo 1 do Decreto 240/1992 do 4 de setembro comprende por montes veciñais en man común "*... os terreos radicados na Comunidade Autónoma de Galicia que con independencia da súa orixe, as súas posibilidades productivas, o seu aproveitamento actual e a súa vocación agraria pertencen a agrupacións veciñais na súa calidade de grupos sociais e non como entidades administrativas, e os veñan aproveitando consuetudinariamente en réxime de comunidade, sen asignación de cuotas, os membros daquelas na súa condición de veciños*".



Así, segundo abundosa xurisprudencia, o feito que xustifica a clasificación ou non como vecinal dun determinado monte, en vía administrativa, é a circunstancia de terse ou non demostrado o aproveitamento consuetudinario en man común, prescindindo das cuestións relativas á propiedade e demais dereitos reais.


Terceiro.- O uso en man común do monte solicitado tense suficientemente acreditado pola documentación aportada polos solicitantes, polo informe do Servizo de Montes e Industrias Forestais de data 18/01/07 e o feito de que no trámite de audiencia non se presentaran alegacións de ningún tipo.

En consecuencia, vista a Lei galega 13/1989, do 10 de outubro, de Montes Veciñais en Man Común e o seu Regulamento, aprobado por Decreto 260/1992, do 4 de setembro, e demais preceptos legais e regulamentarios de xenérica e específica aplicación, propónse polo Instructor e de maneira unánime o Xurado **ACORDA:**

CLASIFICAR como veciñal en man común o monte "Chamor", a favor dos veciños do lugar de Xubín, do concello de Silleda, de acordo coa descrición reflectida no feito cuarto e a planimetría elaborada ó efecto polo Servizo de Montes e Industrias Forestais que forma parte inseparable da presente Resolución

Contra a presente Resolución que pon fin á vía administrativa, poderase interpoñer recurso de reposición con carácter potestativo perante o Xurado Provincial de Clasificación de Montes Veciñais en Man Común de Pontevedra no prazo dun mes, ou ben interpoñer directamente recurso contencioso-administrativo perante o Xulgado do Contencioso-Administrativo de Pontevedra no prazo de dous meses contados dende o día seguinte ó da presente notificación, de acordo co disposto no artigo 116 da Lei 30/1992, do 26 de novembro, de Réxime Xurídico das Administracións Públicas e do Procedemento Administrativo Común, modificada pola Lei 4/1999, do 13 de xaneiro, e nos artigos 8 e 46 da Lei 29/1998, do 13 de xullo, reguladora da Xurisdicción Contencioso-Administrativa.





TRABALLO: **PLANO DE CLASIFICACIÓN DO MONTE DENOMINADO "CHAMOR" DO LUGAR DE XUBÍN, PARROQUIA DE CORTEGADA.**

CONCELLO: **SILLEDA**

AUTOR: **SECCION TOPOGRAFIA**

DATA: **OUTUBRO / 2007**

FOLLA: **1 / 1**

LENDAS:

	Líña límite de parcela clasificada.		Estrada-Fito quilométrico.
	Edificio público ou singular.		Comiño, pista.
	Correio.		Rego, regata.
	Líña eléctrica.		Ríos.
	Aromado, cerca metélica.		Límite de cultivo.
			Masa de árbores.
			Muro, tapia.
			Edificio, construción.

OBSERVACIÓNS: A base cartográfica empregada está extraída da cartografía a escala 1/5.000 da Dirección Xeral de Urbanismo da Consellería de Política Territorial Obras Públicas e Vivenda da Xunta de Galicia. A líña límite das parcelas clasificadas foi facilitada polo solicitante da clasificación, sendo insuficiente a planimetría aportada e non cumprir coas especificacións da Sección de Topografía. A solicitude de clasificación e dunha parcela de 68,5 hectáreas e na planimetría aportada ten 72,2 hectáreas. Non tendo esta sección constancia de que se teño feito medición algunha. Proxectión UTM, fuso 29, Datum Internacional, elipsóide de Hayford.

ESCALA: 1/5.000

O Topógrafo do Servizo
O Enxeñeiro Técnico en Topografía

Pablo Carballo Cruz



XUNTA DE GALICIA

CONSELLERÍA DO MEDIO RURAL
SERVIZO DE MONTES-DELEGACIÓN DE PONTEVEDRA